

श्रीवितरागायनमः ।

श्रीउपकेश (कवला)गच्छके मुनिश्री ज्ञानसुंदर विरचित

प्रश्नमालास्तवन ।



छपावी प्रसिद्ध करनार,

जैन पाठशाला—फलोदी.


प्रथम आवृत्ती १०००

बीर संवत् २४४२

विक्रम संवत् १९७३

भावनगर—“ धी विद्या विजय ” मुद्रालयमें शाह
पुरुषोत्तमदास गीगाभाई पांचभायासें मुद्रित.

कीमत ०-१-०



प्रिय पाठको ए बात कीसीसे छीपी हुई नहीं है कि जैनी स्याद्धदी है और जैनीओका आगम भी स्याद्धद की गंभीर शैलीसे भरा हुआ है परन्तु अधुनीक समयमे कितनाक नामधारी+जैनी केवल ३२ सूत्रकाही मान बैठ है इसीका मुख कारण श्रीजिन प्रतिमाको वन्दनीक पुजणीक नही मानणाकाही है उनि महनुभावांमे पुछा जाता है क्या ३२ सूत्र सच्चा हे बाकी जुठा है इसपर कितनेई केहते है की बाकी सूत्रांमे मूर्ती का अधिकार पीछेसे मीला दीया है.

प्रिय! जब ३२ सूत्रांमे ही मुर्तीका अधिकार है तो फेर अन्य सूत्रां मे पीछेसे मिला दिया किस वास्ते केहेते है। और क्या साबुती है कितनेक मुर्ती उत्थापक केहेते है कि ३२ सूत्रका मूल पाठमे तो मुर्तीपुजा हे नही और टीका निर्युक्ती आदिमे हे वो हम नही मानते.

प्रिय! ३२ सूत्रांका मूल पाठमे मुर्ती पुजाका अधिकार अछी तरह से श्रीगणधर भगवान ने फुरमाया है वो हमारी बणई (गयवर विलास) पुस्तकमे स्पष्ट बतला दिया है; अगर आप पांचगी नही मानते हो इसका क्या कारण है.

(पुर्व पक्ष) मुल ३२ सूत्रांसे पांचागीमे कीतनेही बोल अमीलते है.

(उत्तर पक्ष) प्रिये जैन आगममे ऐसी बात कीसी पांचागी प्रकर्ण

* स्थानकवासी तैरापन्थी.

मे नहीं है कि ३२ सुत्रांसे न मीले परन्तु उनकी गंभीर शैलीको पीछाणा और अंतरंगत रेस्व को समजना ए बहुतही मुसीकल है.

परन्तु समयक ज्ञान शुन्य मुर्ती उत्थापक केवल अज्ञान के मारा अपणा मीथ्या कदाप्राके वसीभुत है के पुर्व धारी आचार्य के वचनको

उत्थापन कर्ते है उनिसे हम ईसी स्तवन द्वारे प्रश्न पुछते है कि जो तुम ३२ सूत्र मूल पाठ मानते है तो ३२ सुत्रांमे एसे एसे बोल है कि बीगर पांचागी समाधान नहीं होता है हमारे तो पुर्व आचार्य ईनी बोलाका पांचागी द्वारे समाधान कर गया है.

अब जो पांचागी नहीं माननेवाला से हमारा केहना हे की ३२ सुत्रांका प्रश्न ३२ सुत्रांका मूल पाठसे समाधान कर छापा द्वारे प्रगट करे नहीं तो अब आपका ३२ सुत्र ही मानने का कृतञ्ची रंग चल-णेका नहीं है ।

प्रिय आप लोक पांचांगी आदि प्रकरणसे ही आपकी आजीवका चलाते हो और उनि पांचांगीको नहीं मानगा ए क्या कृतघ्नीपणा नहीं है तो क्या हे स्वं बिचार कर लेणा हम आपके हितार्थी शीषसा देत है कि आप आपकी आत्म कल्याण करणा चाहते होते जैन आगम पांचांगी संयुक्त प्रमण कोरे अस्तु.

हमारे दुंदीय और तेरापंथी भाइ ऐसा न करे कि हम जो ३२ सुत्रांका मूल पाठसे प्रश्न पूछा है जीसीका उत्तर अङ्ग बङ्गसे दे देवे हम मूल सूत्र से लेणा चाहते है वो मुल ३२ सुत्रांसे ही देवे जो मुल सुत्र से उत्तर नहीं देवेगा तो आँम तोरसे जाहर होजावेगा कि जैन आगम की छोडके केवल ३२ सुत्र मानणा ए ऐक भद्रीक जीवांके लीए जाल रचा है परन्तु अब आपकी ढोल जीतनी पोल वीद्वतासे छीपी हुई नहीं है इतनाही केहके प्रस्तावना समाप्त करता हुं. श्रीरस्तु । लेखक.

श्री रत्नप्रभसूरि गुरुभ्यो नमः

॥ श्री प्रश्नमाला स्तवनः ॥

॥ दोहा ॥

मंगळ शासन नाथजी, मंगळ गौतम स्वांम ।
मंगळ वाणीजिन तणी, वंछीत सीजे काम ॥ १ ॥
स्याद्वाद गंभीरता, जाणे पूर्वधार ।
पंचांगी जीणने रची, खोल दीया सब तार ॥ २ ॥
नवो पंथ प्रगट हुवो, माने सूत्र बत्तीस ।
भोळा लोको आगले पूरे मन जगासि ॥ ३ ॥
पूछ्यासे ती, इम कहे, प्रकरण टीका माय ।
मीलता, बोलज को नहि, तीणसुं मानो नाय ॥ ४ ॥
तिण कारण नीचे लखुं, बत्तीस सुत्रका बोल ।
विनयां चंगी दीजीये, मूल सूत्रथी खोल ॥ ५ ॥

॥ ढाल ॥

आदर जीव क्षमा गुण आदर । एदेशी ।

मूल सूत्रथी उत्तर आपो, के करो पंचांगी परमाणजी ॥ एटेक ॥
सत्तावनसो कहा समवायांग, मल्ली मनप्रजव जाणजी ।
छठे अंगे कहा आठसो, आ जिनवरकी वाणीजी ॥ मु॥ १ ॥
गुणसठ सो कहा अवधीनाणी, समवायांगरो लेखजी ।
दोय सहस मल्ली जिनवरके, ज्ञाता सूत्र लो देखजी ॥ मू॥ २ ॥
ज्ञाता में कृश्न की राणी, बत्तीस सहसको मानजी ।
सोला सहस कही ते देखो, ओ अन्तगडको ज्ञानजी ॥ मू॥ ३ ॥
च्यार ज्ञान केसी स्वामी के, रायपसेणी जोयजी ।
तिन ज्ञान उत्तराध्ययन बोले, केसी स्वामी होयजी ॥ मू॥ ४ ॥

(२)

विराधी पहेले देवलोके, भगवतीमें वातजी ।

ज्ञातामें गाइ ईसान देवी, आटुंइ एक साथजी ॥मू॥५॥

उववाइमें तप देखो, उत्कृष्टा जोतषी जायजी ।

भगवतीमें, तां मली, तापस, ईसांण इंद्रके हायजी ॥मू॥६॥

उववाइ छट्टे देवलोके, जावे चोद पूर्वना धारजी ।

कार्तिकशेठ पहेले देवलोके, भगवतीजीमें तारजी ॥मू॥७॥

तीन करण योगथी टाले, श्रावक कर्मादानजी ।

उप्रासकमें हल निबाडा, सगडाल आनंद गुणवानजी ॥मू॥८॥

वेदनी कर्मकी बार मूर्हत, जगन धिति पन्नवण जाणजी ।

तेहिज अंतर्मूर्हत दाखी, उत्तराध्ययन की वाणजी ॥मू॥९॥

भगवतीमें बाल मरणथी, वदे अनंत संसारजी ।

ठाणायंगमें दो मरणकी, आज्ञा दी करतारजी ॥मु॥१०॥

चौदे पूर्व महाबल भण्यो, भगवती ब्रह्म देवलोकजी ।

छट्ठाथी नीचे नहि जावे, उववाइ सुत्र अवलोकजी ॥मू॥११॥

लसण मांहे जीव अनंता, उत्तराध्ययनमें सारजी ।

प्रत्तीक काय पन्नवणा बोले, पंचागी लो धारजी ॥मु॥१२॥

दोय भाषारी आज्ञा नहि, दश विकालक जाणजी ।

चार भाषा अलराद्धी बोली, पन्नवणाकी वाणजी ॥मू॥१३॥

दश विकालक चित्रामकी नारी, नहिरे हे अणगारजी ।

ठाणयंग के पंचमे ठाणे, साधु आजीयां रेवे लारजी ॥मू॥१४॥

रोग आयो औषद नहि करणो, उत्तराध्ययनमें लेखजी ।

बरिप्रभुजी औषध कीनो, भगवती लो देखजी ॥मू॥१५॥

दशवैकालिक भोजन करवो, एक भक्त को मानजी ।

विकट भोजी तपसी साधु, ओ कल्पसुत्रको ज्ञानजी ॥मू॥१६॥

अल्पछटां जावे गोचरी, कल्पसुत्रमें जाणजी ।
 वर्षतां बीलकुल नहि जावे दशविकालीक वाणीजी ॥मू॥१७॥
 भगवतीमें अणसण कथो, कदाचित करे आहारजी ।
 बीजो सुत्रव्रत भंग को, लागे दोष अपारजी ॥मू॥१८॥
 पन्नवणामें स्त्री वेदका, स्थितिका पंच आदेशजी ।
 सर्वज्ञका मतमे किम चाले, पीण छे सुत्रनी रेसजी ॥मू॥१९॥
 राजपिंड साधु नहि लेवे, ठाणायांगमें जाणजी ।
 देवकी वहेराया छे साधुने, अन्तगडकी वाणीजी ॥मू॥२०॥
 पचवीश जोजन उपद्रव नहि होवे, समवायांग अतीसय अधीकारजी
 अभंग सेणीदी सुली चडीया, विपाक सुत्र मुजारजी ॥मू॥२१॥
 दोय साधु समोसरण मांये, बाल्या गोसालो आणजी ।
 लोहीठाण हुवो भगवंत के, आ भगवतीनी वाणीजी ॥मू॥२२॥
 समवायांगमें श्रावक केरा, चैस हुडीमें होयजी ।
 उपासक सुत्रमें देखो, पाठ न दीसे कोयजी ॥मु॥२३॥
 अल्प आयुषो ठाणायंगजी, देदो खीलो आहारजी ।
 अल्प पापने बहु निर्जरा, भगवती सुत्र मंझारजी ॥मू॥२४॥
 पंच महानदी नही उतरणी, ठाणायंगरो लेखजी ।
 मार्ग जातां नदी उतरे, आचारांग लो देखजी ॥मू॥२५॥
 चोमासामें विहार नहि करणो, बृहत् कल्पकी साखजी ।
 पंचमें ठाणे विहार करणा को, वितराग गया भाखीजी ॥मू॥२६॥
 त्रिविधे २ हिंसा नहि करणी, आचारांग दसवि कालजी ।
 नंदि उतरे नावे बेठे, आचारांगमें भालजी ॥मू॥२७॥
 कल्पसूत्र साधु, वर साले विगे नहि लेवे वारमवारजी ।
 सुयगडांगमें निषेध कीनो, नहि लेवे अणगारजी ॥मू॥२८॥

साचित्त मिश्र वस्तु नहि खाणी, दश विकालिक जाणजी ।
 आचारंगमें लुण खावणकी, आ जीनवरकी आणजी । मू॥२९॥
 भगवती सुत्रमें देखो, निबडो तिखो होयजी ।
 कडवो कह्यो अध्ययन चोत्तिसे, उत्तराध्येन लो जोयजी । मू॥३०॥
 जुठ बोलवारा त्यागज कीना, दशविकालिक जाणजी ।
 आचारांग 'मृगादिक' तांइ, जुठ बोले दया आणजी । मू॥३१॥
 समवायांग तेइस तीर्थकर, सूर्य उगो केवल ज्ञानजी ।
 नेमिश्वर पाछले पोहरे, दशाश्रुत स्कंध पीछणजी ॥ मू॥३२॥
 सूर्य उगतां ज्ञान उपनो, तेवीस तीर्थकर जाणजी ।
 पाछले पोहरे मल्ली जीनवर, ए ज्ञातासूत्रकी वाणजी । मू॥३३॥
 दश प्रकारे वैयावच्च बोली, उववाइमें लेखजी ।
 हरकेसीकी वैयावच्च करतां, जक्ष ब्राह्मण हणीया देखजी । मू॥३४॥
 प्राणभूत जीव सत्त्वने, दुःख नहि देणो कोयजी ।
 प्रत्यक्ष मांहे ब्राह्मणहणीया, वैयावच्चकीणविध होयजी । मू॥३५॥
 ठाणायंगे मल्ली जीनवर, दीक्षा लिखी जीणा सातजी ।
 छसो जीण साते निकल्पा, आ ज्ञातासुत्र की वातजी । मू॥३६॥
 मल्ली जीनने केवल उपनो, पछी मंत्री दीक्षा जाणजी ।
 सात जीण साथे दीक्षा, आ ठाणायंगकी वाणजी ॥ मू॥३७॥
 पसु पंडिग रहित होसेज्जा, उत्तराध्ययन रहे अणगारजी
 साधु साध्वी भेला रहे, ठाणायंग सुत्र मंजारजी ॥ मू॥३८॥
 निषेद प्रशंसा नहि करणी, सुयगडांग सावद्य दानजी ।
 एकांत पाप कह्यो जीनवरजी, आ भगवती को ज्ञानजी । मू॥३९॥
 नन्दन वन पांचसो योजनको, जंबुद्विप पन्नति वायजी ।
 बलकुठ शहस जोजनको तेमे केम समायजी ॥ मू॥४०॥

पांचसो जोजनकी चोडादा रव्या, गजदंता दोय जाणजी ।
 उपरकुट सहस जोजनको, जंबुद्विप पन्नति वखाणजी ॥मु॥४१॥
 रुषभ कुटको पहेला पणौ, आठ जोजनको मूलजी ।
 पाठांतर बार जोजनको, जंबुद्विप पन्नति सु मूलजी ॥मू॥४२॥
 अर्द्ध भरतकी जीवा दाखी, जंबुद्विप पन्नति मजारजी ।
 नव सहस सातसो अडताल्लिश, बारा कला विचारजी ।मु॥४३॥
 चोथे अंगे तेहीज जीवा, नव हजारको मानजी ।
 पंचांगी बीना ते कीम जाणे, हिरदे आणो ज्ञानजी ॥मु॥४४॥
 चोथे अंगे जगन थिति, बत्तीस सागर बीजे बीमाणजी ।
 पन्नवणमे ईगतीस सागर, जघन्न थिति परमाणजी ॥मु॥४५॥
 रुषभ वीरके बीचे समवायांग, अंतरो कोडा कोड एकजी ।
 बयालीस सहसवर्ष छे उणा, जंबुद्विप पन्नति लो देखजी ।मु॥४६॥
 साधु आधा कर्मी आहार भोगवे, सुयगडांग बोले एमजी ।
 कर्मोथी लेपे नहि लेपे, दो वता मीले केमजी ॥मु॥४७॥
 भगवती सुत्रेम देखो, आघाकर्मी अधिकारजी ।
 चउगतीको कल्लो पोवणो, रुले बहुत संसारजी ॥मु॥४८॥
 उणो सहस तेतीस सूर्य, चक्षु फर्सेचोथे अंगजी ।
 बत्तीस सहस एक जोजन जाजे, जंबुद्विप पन्नति चंगजी ।मु॥४९॥
 सतक आठ उदेसो दशमौ, भगवती अंग पेछाणजी ।
 पोगले पोगाली कयो जीवने, तेहनो सु परमाणजी ॥मु॥५०॥
 सोला नाम मेरुका चाल्या, समवायांगमे जोयजी ।
 आठमो प्रीयदर्शन दाख्यो, चौदमो उत्तर होयजी ॥मु॥५१॥
 तिमाहिज जंबुद्विप पन्नति, मेरुका सोला नामजी ।
 आठमो सलोचय चौदमो उत्तम, ओपचांगीको कामजी ॥मु॥५२॥

(६)

अण आहारी दोसमा थीति, पन्नवण पीछाणजी ।

तीन समा भगवती बोले, आजीनवरकी आणजी ॥मु॥५३॥

चर्म तीर्थकर कल्पसुत्रे, बेयालीस वर्ष दिक्षा संगजी ।

बायालीस वर्ष जाजेरा, देखो चोथो अंगजी ॥मु॥५४॥

जीवा भिगम रुचक द्विपको, कहाँ असंख्यातो मानजी ।

ठाम दुणो संख्यातो आवे, जोवो जीनवरको ज्ञानजी ।मु॥५५॥

मेरु कंड अडतीस सहसको, समवायांगमें होयजी ।

तेहिज छत्तीस सहस बतायो, जंबुद्विप पन्नति जोयजी ।मु॥५६॥

इगसठ संहस जोजनको जाणे, समवायांग दुजौ कांडजी ।

तेसठ हजार जोजनको देखो, जंबुद्विप पन्नतिमांडजी ।मु॥५७॥

नव हजार नवसो जोजनको, नन्दनवन चोथो अंगजी ।

चौपन जोजन जाजेरो दाख्यो, जोवो पंचमे उपांगजी ।मु॥५८॥

दशमे अंगे बत्तीसह्र, अडतालीश पांचमे उपांगजी ।

चौष्ट कहा दुजेठाणे, देखो तीजे अंगजी ।मू॥५९॥

सिद्धांकी अवगणा उववाइ, बत्तीस अंगुलको मानजी ।

जगन्य सात हाथको सीद्धे, ओ भगवतीको ज्ञानजी ।मु॥६०॥

सीद्ध सीलार्थी उणो जोजन, सीद्ध क्षेत्र भगवती जाणजी

उववाइमे पुरो जोजन, करो पंचांगी परमाणजी ॥मू॥६१॥

छट्ठनिरकका मध्य भागसु, धणोदधिनो चरमांतजी ।

गुणीयासी सहस्रसमवायांग बोले, श्री जीनवाणी सत्यजी ।मु॥६२॥

जिवाभिगम गिणती करतां, इठितर सहस्रजोजन परमाणजी ।

पंचांगी विनते किम जाणो, हिरदे आणो नाणजी ॥मू॥६३॥

रेवंतिथी जेष्टातांइ, तारा अष्टाणु होयजी ।

गीणती करतां सत्ताणु आवे, समवायांगलो जोयजी ॥मू॥६४॥

(७)

नव जोजन धाणेंद्रि विषे, पन्नवणामे जाणजी ।
च्यार पांचसो जोजन दाखी, दुजे उपांग परमाणजी ।मु॥६५॥
भगवतीमें पलंकालको, कुवा तणो कह्यो मानजी ।
तेथी फर्क घणैरो दिसे, अणुयोग द्वारको ज्ञानजी ॥मु॥६६॥
असुर अवधि ज्ञान जग नथी, पचीस जोजन चोथे उपांगजी ।
अंगुल भाग असंख्यो दाख्यो, देव सुधर्मा चंगजी ॥मु॥६७॥
बादर तेउ मनुष्य लोकमे, पन्नवणा पेछाणजी ।
देखो अग्नि कही नरकमें उतराध्ययन ओगणीसमे जाणजी ।मु॥६८॥
शौरीपुरमें नेमीनाथजी, कहा, उत्तराध्ययन मजारजी ।
दिक्षा लेतो कहि द्वारका, मुलथी काढो सारजी ॥मु॥६९॥
शौरीपुर पूर्वमें जाणो, द्वारका पश्चिम दिस जाणजी ।
राम कृश्न बंदण कर चाल्या, आ जीनवरकी वाणजी ।मु॥७०॥
सात कुलधरका नाम बताया, ठाणांयंग ठाणौ सातजी ।
दश कुलधरक कहा दशमे ठाणे, मुलथी मेलौ वातजी ॥मु॥७१॥
तिहीज आवती उसपणी जाणे, कुलधरको अधिकारजी ।
सातमे दशमे ठाणो देखो, उपरवत् विचारजी ॥मु॥७२॥
सुधर्म इशान कह्यो बरोवर, जिवाभिगम जोयजी ।
भगवती सूत्रमे देखो, इशान उंचो होयजी ॥मु॥७३॥
तिछीं गति कही असुरकी, नंदीश्वर दीप मजारजी ।
राजधानी असंख्या दीपे, भगवती अंग विचारजी ॥मु॥७४॥
माहावेदना, समद्रष्टी, नेरीयां, पहेले सतके थायजी ।
सतक अठारे उदेशो पांचमो, अल्प वेदना कहवायजी ।मु॥७५॥
बारमो तीर्थकर कह्यो कृश्नने, अंतगड अधीकारजी ।
जिनवर होसी तेरमो देखो, समवायांग सूत्र मोजारजी ॥मु॥७६॥

(८)

मनुष्य तिर्यचको काल वेक्र, अंतर्मूर्हूर्त पांचमे अंगजी ।
भीन्नमूर्हूर्त च्चार बताया, जोवो तीजे उपांगजी ॥मु॥७७॥
जगन्न अरादी रत्न त्रीयकौ, नव करे सत अठजी ।
नर देवे उत्कृष्टो रेवे, अद्ध पुद्गल मठजी ॥मु॥७८॥
भगवतीमें निद्रा लेतो, सात आठ बंदे कर्मजी ।
तीजा पद्दोरे निद्रा लेणी, उत्तराध्ययनमें मर्मजी ॥मु॥७९॥
असंधेणी कहा नेरीया, जोवो तीजे उपांगजी ।
उत्तराध्येयन सुयगडांग देखो, मांस खपावे करे तंगजी ॥मु॥८०॥
दिव्य संधेणी क्या देवता, लेवो पन्नवणा देखजी ।
असंधेणी जाणो देवता, जीवाभिगम को लेखजी ॥मु॥८१॥
भगवती असन्नी मनुष्यको, अडतालीस मूर्हूर्त अवठीया कालजी ।
चोवीस मोहूर्तको, वीहरो, बतायो, पन्नवणामें नालजी ॥मु॥८२॥
ब्रह्म कल्प विमण ठाणायंग, रक्त स्वयंम नीलवर्ण जाणजी ।
रेक्त पेत सुकल बतायौ, जीवाभिगम पिछाणजी ॥मु॥८३॥
समवायांग भगवती मांहे, शक्र स्तवन अर्धीकारजी ।
दोनु पाठमे फर्कज दीसे, पंचांगी लो धारजी ॥मु॥८४॥
पांचसो तीस भेद बताया, पुद्गल पन्नवणा लेखजी ।
चारसो व्यासी दाख्या जीनंवर, उत्तराध्ययन लो देखजी ॥मु॥८५॥
जघन कलमेषी, सुधर्म, जावे, पन्नवणा की वायजी ।
भगवती सुत्रमे देखो, भूवन पतीमें जायजी ॥मु॥८६॥
सारण करतो में नहि जाणुं, कल्प सूत्र परमाणजी ।
आचारंगमें कहेमे जाणुं, आ वीर जीणदकी बाणजी ॥मु॥८७॥
पहेला देवने पछे मनुष्यने, धर्म कह्यो जगनाथजी ।
अछेरामे बाणी निष्फळ, मेलो मुलके साथजी ॥मु॥८८॥

(९)

योग बर्तायो हिंसाहुवे, भगवतीमें वातजी ।
आज्ञादि सुभ योगकी प्रभु, मेलो उववाइ सातजी ॥मु॥८९॥
बारा व्रत लेसुं इम बोल्यो, आणंद उपासक जोयजी ।
आठवृत उचरीयां जाणौ, अतिचार वारेका होयजी ।मु॥९०॥
वनस्पति संघटो नहि करणो, भगवतीमे लेखजी ।
झाड पकड खाडासु नीकले, आचारंग लो देखजी ॥मु॥९१॥
समय मात्र प्रमाद न करणो, उत्तराध्ययन दशमे जाणजी ।
तीजी पेहेरे निद्रा लेणी, छावीसमे अध्ययन परमाणजी ।मु॥९२॥
गृहस्तीने कठण नहि बोले, निशीथ सूत्रमें लेखजी ।
केसी कहे मुठ तुच्छ प्रदशी, रायपसेणी लो देखजी ॥मु॥९३॥
निसीधमे साधुने वरज्यौ, कोइ चीज देखवा जायजी ।
विपाक गौतम मृगा लौढौ, देखो जीनवर भायजी ।मु॥९४॥
गृहस्तीसे प्रचो नहि करणो, दश विकालीक जाणजी ।
गौतम अंगुली पकडी अमंतौ, आ अंतगडकी वाणजी ।मु॥९५॥
छ पुरुष सातमी स्त्री, अंतगड अर्जुन जाणजी ।
पुरुष सातमो छे कही स्त्री, प्रगट पाठ परमाणजी ॥मु॥९६॥
इत्यादि बहु बोलवालीया, मूलसूत्रमें नालजी ।
स्याद्रादकी सेली विना, तेकिम जाणे बालजी ॥मु॥९७॥
जो नहि माने ते पंचागी, तासुं कहीये तेमजी ।
मूल पाठथी उत्तर आपो, जब बोले पाधरा एमजी ॥मु॥९८॥
परमपरा नवले धारणा, टवा अर्थमे जोयजी ।
मत यक्षारा वातां सुणतो, आश्चर्य उपजे मोयजी ॥मु॥९९॥
लुंकाजी मजुरी करता, चोरीसे उलटो ज्ञानजी ।
परंपरा तुमे केहनी चालो, हिरदे आणो ज्ञानजी ॥मु॥१००॥
टवा वालो हेला पाडे, में कीयो टीका अनुसारजी ।

(१०)

टबो माने टीका नहि माने, वे डुबे डुबावण हारजी॥मू॥१०१॥
 भद्रबाहु स्वामी टाचि कीनी, ते बहु कठण जाणजी ।
 तेनी सुगम करी आचारज, ते टाचि परमाणजी ॥मु॥१०२॥
 वादी कहे वातो पंचागी, गइ कालमें वीतजी ।
 नवी रची आचारज ज्यारी, कीम आवे प्रतीतजी ॥मु॥१०३॥
 सुत्र रह्या “ निर्युक्ति ” वीती, तेहना सुपरमाणजी ।
 आचारज रच्या नहि मानो, आगो सुणजो वाणजी॥मु॥१०४॥
 तीन छेद भद्रबाहु रच्या, पन्नवणा श्यमाचारजी ।
 देवढी गणीजी नंदी बणाइ, दश विकालीक सज्जंभव गण

धारजी ॥मु॥१०५॥

धर्म धूरंधर पुर्व धारी, टीका करतां जाणजी ।
 काम पडे जद बोल चालको, सरणां लेवो आणजी ॥मू॥१०६॥
 जैनी नाम धरावे फोगट, जिन आगमथी दूरजी ।
 तेहिज भाची पंडत भाजो, कृतघ्रीने कुरजी ॥मू॥१०७॥
 मुल सहीत पंचागी मानो, दो बहु आदर मानजी ।
 स्याद्वादकी शैली समाजो लो गुरु गमशे ज्ञानजी ॥मू॥१०८॥

॥ कलस ॥

नाभि रायकुल वंसभुसण, मारुदेवा मायजी ।
 “ अष्टापद ” पर आप सिध्या, गयवर प्रणमे पायजी ॥
 एकादशी अषाढ सुकल, उगणीश बहुचर सालजी ।
 देस मरुधर गांव तिवरी, प्रभु जोडी प्रश्नमालजी ॥१॥

॥ इति श्री प्रश्नमाला संपूर्ण ॥

इन प्रश्नोका ऊत्तर ३२ सुत्र मानणेवाळा (हुंढीया या तेरापन्थी) दोनु एक मासके अंदर प्रगट करे ताके आपके अंध सरद्धालु मत पक्षीयां के मीथ्यात्वका नसा फोरन उत्तर के ४ समाप्ति रत्नकी प्राप्ति हो अस्तु.

